



卷五十九

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷五十九
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學](#) [東洋文化研究所](#)
[使用上的注意事項](#)

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

廣築睢陽 旌旗警蹕 勢擬天王

功扞吳楚 計醜孫羊 寶嬰正議

袁盎劫傷 漢窮梁獄 冠蓋相望

禍成驕子 致此猖狂 雖分五國

卒亦不昌

梁孝王世家第二十八 史記五十八

五宗世家第二十九 史記五十九

索隱曰景帝子十四人一武帝餘十三人為王漢書謂之景十三王此名

五宗者十三人為王其母五人同母者為宗

孝景皇帝子凡十三人為王而母五人同母

者為宗親栗姬子曰榮德闕子索隱曰闕音

字程姬子曰餘非端賈夫人子曰彭祖勝唐

姬子曰發王夫人兒姁子曰越寄乘舜索隱

音光羽反兒姁夫人名王皇后之妹

河間獻王德索隱曰漢書云大行令奏以孝

景帝前二年用皇子為河間王好儒學被服

造次必於儒者山東諸儒多從之游二十六

年卒漢名臣奏杜業奏曰河間獻王經術通

武帝時獻王朝被服造次必於仁義問以五

策獻王輒對無窮孝武帝邑然難之謂獻王

曰湯以七十里文王百里王其勉之王知其

意歸縱酒聽樂因以終○索隱曰問以五策

按漢書詔策問三十餘事被服造次按小頰

云彼服言常居處其中造次謂所向所行皆

法於儒者子共王不害立四年卒子剛王基代立

十二年卒子頃王授代立索隱曰漢書云

臨江哀王闕于以孝景帝前二年用皇子為

臨江王三年卒無後國除為郡

臨江閔王榮以孝景前四年為皇太子四歲

廢用故太子為臨江王四年坐侵廟墼垣為

宮索隱曰服虔云宮外之餘地顧野王云牆

外行馬內田音人掾反又音軟又音奴亂

反墼垣牆上徵榮榮行祖於江陵北門曰祖

者行神行而祭之故曰祖也風俗通云共工

氏之子曰修好遠遊故祀為祖神又崔浩云

黃帝之子累祖好遠遊而死於道因以為行
神亦不知何據蓋見其謂之祖因以為累祖
非也據帝系及本紀皆言累祖黃帝妃無為
行神之由又聘禮云出租釋較祭脯酒而已
按今祭禮以較壤土為壇於道則用黃羝或
用狗以其羝血釁左輪○正義曰荆州圖副
云漢臨江閔王榮始都江陵城坐侵廟墻地
為宮被徵出城北門而車軸折父老流涕曰
吾王不反矣既而為郢都所訊懼而縊死既
自此後北門存而不啓蓋為榮不以道終既
已上車軸折車廢江陵父老泣涕竊言曰吾
王不反矣榮至詣中尉府簿中尉郢都責訊
王王恐自殺葬藍田燕數萬銜土置冢上百

姓憐之榮景長死正義曰顏師古云榮實景

其從太子被廢後乃立為王也無後國除地入于漢為南郡

右三國本王皆栗姬之子也

魯共王餘以孝景前二年用皇子為淮陽王

二年吳楚反破後以孝景前三年徙為魯王

好治宮室苑囿狗馬季年好音不喜辭辯為

人吃二十六年卒子光代為王初好音輿馬

晚節嗇正義曰晚節猶言未年時嗇貪悻也惟恐不足於財

江都易王非索隱曰謚法好更故舊曰易以孝景前二年用

皇子為汝南王，吳楚反時，非年十五有材力，

上書願擊吳，景帝賜非將軍印，擊吳，吳已破，

二歲徙為江都王，治吳故國，以軍功賜天子

旌旗，元光五年，匈奴大入漢，為賊，非上書願

擊匈奴，上不許，非好氣力，治宮觀，招四方豪

傑，驕奢甚，立二十六年，卒，子建立為王，七年

自殺，淮南衡山謀反時，建頗聞其謀，自以為

國近淮南，恐一日發為所并，即陰作兵器，而

時佩其父所賜將軍印，載天子旗，以出，易王

死未葬，建有詭說，易王寵美人淖姬，蘇林曰淖音泥

淖○正義夜使人迎與姦服舍中，索隱曰淖

淖齒漢書云建召易王所及淮南事發，治黨

與頗及江都王建，建恐，因使人多持金錢事

絕其獄，而又信巫祝，使人禱祠，妄言建又盡

與其姊弟姦，索隱曰漢書云建女弟微臣為蓋侯子婦以易王喪來歸建復

與事既聞漢公卿請捕治建天子不忍使大
臣即訊王王服所犯遂自殺國除地入于漢
為廣陵郡

膠西于王端

索隱曰按廣周書盜法云能優其德曰于

以孝景前

三年具楚七國反破後端用皇子為膠西王
端為人賊度又陰痿正義曰委危反不能御婦人一近婦
人病之數月而有愛幸少年為郎為郎者頃
之與後宮亂端禽滅之及殺其子母數犯上

法漢公卿數請誅端天子為兄弟之故不忍

而端所為滋甚有司再請削其國去太半端

心愠遂為無訾省

蘇林曰為無所訾錄無所省錄○正義曰頽帥古云

訾財也省視也書不能視錄資財

府庫壞漏盡腐財物以巨

萬計終不得收徙令吏毋得收租賦端皆去

衛

索隱曰謂不置宿衛人

封其宮門從一門出游數變

名姓為布衣之他郡國相二千石往者奉漢
法以治端輒求其罪告之無罪者詐藥殺之

所以設詐究變

索隱曰究窮也故疆足以距

諫智足以飾非相二千石從王治則漢繩以

法故膠西小國而所殺傷二千石甚衆立四

十七年卒竟無男代後國除地入于漢為膠

西郡

右三國本王皆程姬之子也

趙王彭祖以孝景前二年用皇子為廣川王

趙王遂及破後彭祖王廣川四年徙為趙王

十五年孝身帝崩彭祖為人巧佞卑諂足恭

而心刻深

索隱曰刻害深無仁恩

好法律持詭辯以中

人

索隱曰謂詭詐之辯以傷中人

彭祖多內寵姬及子孫相

二千石欲奉漢法以治則害於王家是以每

相二千石至彭祖衣阜布衣自行迎除二千

石舍

索隱曰謂彭祖自為二千石掃除其舍以迎之

多設疑事以作

動之得二千石失言中忌諱輒書之二千石

欲治者則以此迫劫不聽乃上書告及汙以

獲利事彭祖立五十餘年相二千石無能滿
二歲輒以罪去大者死小者刑以故二千石
莫敢治而趙王擅權使使即縣為賈人權會
韋昭曰平會兩家買賣之賈也權者禁他家
獨王家得為之○索隱曰權音角獨言權謂
酷權也會音儉古外反謂為賈人專權買賣
之賈儉以取利若今之知市矣韋昭則訓權
為平其注入多於國經租稅索隱曰經常也
謂王家入多於
國家常以是趙王家多金錢然所賜姬諸子
亦盡之矣彭祖取故江都易王寵姬王建所

盜與姦淖姬者為姬甚愛之彭祖不好治官

室襪祥

服虔曰求福也○索隱曰案坤蒼云
襪秋祥也列子云荆人鬼越人襪謂

楚信鬼神越
信機祥也

好為史事上書願督國中盜賊

常夜從走卒行徼

索隱曰上下孟反下工吊
反徼是郊外路謂巡徼而

伺察邯鄲中諤使過客以彭祖險陂莫敢留

邯鄲其太子丹與其女及同產姊妹姦與其客

江充有郤充告丹丹以故廢趙更立太子

中山靖王勝以孝景前三年用皇子為中山

王十四年孝景帝崩勝為人樂酒正義曰樂五教反

好內有子枝屬百二十餘人常與兄趙王相

非曰兄為王專代吏治事王者當日聽音樂

聲色趙王亦非之曰中山王徒日淫不佐天

子拊循百姓何以稱為藩臣立四十二年卒

索隱曰漢書建元三年濟川中山王等來朝聞樂而泣天子問其故對以大臣內讒肺腑

日疎其言甚雄壯詞切而理文天子加親親之好可謂漢之英藩矣子哀王昌

立一年卒子昆侈代為中山王索隱曰漢書昆侈謚康王

子頃王輔嗣至孫國除也

右二國本王皆賈夫人之子也

長沙定王發發之母唐姬故程姬侍者景帝

召程姬程姬有所辟不願進索隱曰姚氏按釋名云天子諸

侯群妾以次進御有月事者止不御更不口說政以丹注面目的為識令女史見之王

察神女賦以為脫桂裳免簪施玄的結羽釵的即釋名所云也說文云衺女汗也漢律

云見衺變下得侍衺音半而飾侍者唐兒使夜進上醉

不知以為程姬而幸之遂有身已乃覺非程

姬也及生子因命曰毅以孝景前二年用皇
子為長沙王以其母微無寵故王卑濕貧國

應劭曰景帝後二年諸王來朝有詔更前稱
壽歌舞定王但張袖小舉手左右笑其拙上
怪問之對曰臣國小地狹不足
迴旋帝以武陵零陵桂陽屬焉立二十七年

卒子康王庸立二十八年卒子鮒鮒立服虔曰鮒

音為長沙王

右一國本王唐姬之子也

廣川惠王越以孝景中二年用皇子為廣川

王十二年卒子齊立為王

索隱曰漢書齊謚
繆玉謚法傷人蔽

賢曰齊有幸臣桑距已而有罪欲誅距距亡

王因禽其宗族距怨王乃上書告王齊與同

產姦自是之後王齊數上書告言漢公卿及

幸臣所忠等

索隱曰漢書告中尉秦彭祖子
去嗣坐暴虐亂國除○正義

日所忠姓名膠東康王寄以孝景中二年用皇子

為膠東王二十八年卒淮南王謀反時寄微

聞其事私作樓車鏃矢

應劭曰樓車所以窺
看敵國營壘之虛實

不許複製

NOT TO BE REPRODUCED

東京大学東洋文化研究所

也○索隱曰左傳云登樓車以窺宋人謂看敵國管壘之虛實也李巡注爾雅金矢以金為箭鏑鏃字戰守備候淮南之起及吏治淮

南之事辭出之如淳曰第洽其辭出此事寄於上最親徐廣

曰其母武帝母妹○正義曰寄母王夫人即王皇后之妹於上為從母故寄於諸邑弟之

間則最為親愛也意傷之發病而死不敢置後於是

上問寄有長子者名賢母無寵少子名慶母

愛幸寄常欲立之為不次因有過遂無言上

憐之乃以賢為膠東王奉康王嗣而封慶於

故衛山地為六安王膠東王賢立十四年卒

謚為哀王子慶為王徐廣曰他本亦作慶字惟一本作建不宜得與

叔父同名相承之誤六安王慶以元狩二年用膠東康

王子為六安王

清河哀王乘以孝景中三年用皇子為清河

王十二年卒無後國除地入于漢為清河郡

常山憲王舜以孝景中五年用皇子為常山

王舜最親景帝少子驕怠多淫數犯禁上常

寬釋之立三十二年卒太子勃代立為王初

憲王舜有所不愛姬生長男稅蘇林曰音奪○索隱曰鄒

氏音之愧反許慎說解稅以母無寵故亦不

得幸於王王后脩生太子勃王內多所幸姬

生子平子商王后希得幸及憲王病甚諸

幸姬常侍病故王后亦以妬媚不常侍病索隱

曰媚音亡報反鄒氏作媚郭璞註三輒歸舍

醫進藥太子勃不自嘗藥又不宿留侍病及

王薨王后太子乃至憲王雅不以長子稅為

人數及薨又不分與財物即或說太子王后

令諸子與長子稅共分財物太子王后不聽

太子代立又不收恤稅怨王后太子漢使

者視憲王喪稅自言憲王病時王后太子不

侍及薨六日出舍如淳曰太子勃私姦飲酒

博戲擊筑與女子載馳環城過市入牢視囚

天子遣大行騫索隱曰案驗王后及問王勃

是張騫

請速勃所與姦諸證左右王又匿之吏求捕勃
大急使人致擊筓掠擅出漢所疑囚者有司
請誅憲王后脩及王勃上以脩素無行使稅
陷之罪勃無良師傅不忍誅有司請廢王后
脩徙王勃以家屬處房陵上許之勃王數月
遷于房陵國絕月餘天子為最親乃詔右司
曰常山憲王蚤夭后妾不和適孽誣爭陷于
不義以滅國朕甚閔焉其封憲王子平三萬

戶為真定王封子商三萬戶為泗水王

正義曰泗

水海州

真定王平元鼎四年用常山憲王子為真定
王泗水思王商以元鼎四年用常山王憲王
子為泗水王十一年卒子哀王安世立十一
年卒無子於是上憐泗水王絕乃立安世弟
賀為泗水王

右四國本王皆王夫人兒姁子也其

後漢益封其支子為六安王泗水王

二國凡兒姁子孫於今為六王

太史公曰高祖時諸侯皆賦徐廣曰國所出有皆入於王

得自除內史以下漢獨為置丞相黃金印諸

侯自除御史廷尉正博士擬於天子自吳楚

反後五宗王世漢為置二千石去丞相曰相

銀印諸侯獨得食租稅奪之權其後諸侯貧

者或乘牛車也

索隱述贊曰

景十三子 五宗親睦 栗姬既廢

臨江折軸 關于早薨 河間儒服

餘好宮苑 端事馳逐 江都有才

中山提福 長沙地小 膠東造鏃

仁賢者代 悖亂者族 兒姁四王

分封為六

五宗世家第二十九

史記五十九